

Nederkalix, sw Kalix, Nb. 1. 84 21 st
Alakainuu ortn. utt. fr. Tarendö sn. Nb. 1.

Kyllä tietenki net jokku piiat motkotit takhaamalta, mutta hääty vain varottaa, ettei isäntä ja Kustaavi saa kuulla. Ei niitä siihen aikaan mammoteltu semmosia piikatyttäriä. Juntin isäntä pruuikasi sanoa, ette kyllä perse opettaa lappalaisen ampumhaan ja ettei ruoka miestä palvele, jos ei mies palvele ruokaa. Ja kyllä se oli ruoka ja leipä siihen aikaan suuressa kysymyksessä. ☹ ☹

Ko oli kerranki tullu nöyrä vuosi Täränthöönki, niin ettei ollu isoissa taloissakhaan ennää toisile avun varraa eikä paljon leipää ittelekhään, silloin olit Vanhaantalon Heikki ja Paavon Jussa pruuukanheet ison tervahauvan kumpiki ja keyvällä laskit tervatynnyrit lauttassa väylää myön Alakainhuule. Ko niillä oli molemilla vene matkassa, niinku tartti olla, niin net meinasit ostaa Alakainhuulta jauhoja ja sauvoa net venheelä Täränthöön.

Johan Lantto, Juntin talo.. s. 48